



MEMORIA XUSTIFICATIVA E ECONÓMICA PARA A SUSCRIPCIÓN DUN CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACIÓN CLÚSTER DEL GRANITO DE GALICIA PARA A ORGANIZACIÓN CONXUNTA DE ACTIVIDADES NA FEIRA STONE.GAL 2025

Primeiro.- Antecedentes

STONE.GAL, é a primeira feira internacional dedicada á pedra natural, que se celebrará en Vigo no ano 2025. Este evento busca consolidar a imaxe de Galicia como líder no sector, nun contexto marcado pola crecente competencia e a evolución dos mercados internacionais.

A feira contará coa participación de máis de 150 empresas e cun espazo expositivo de 15.000 metros cadrados. Prevese que o evento atraia a arredor de 5.000 visitantes e ofrecerá diversas actividades orientadas á exhibición de produtos innovadores e á formación en novas técnicas, ademais dun congreso internacional que abordará a evolución do sector e os seus retos en materia de sustentabilidade, dixitalización e aplicacións tecnolóxicas.

O sector da pedra natural de Galicia, no que se inclúe o granito, é un sector económico tradicional e maduro de carácter estratéxico para Galicia pola súa importancia económica e social, xa que envolve un tecido empresarial conformado por preto de 300 empresas, que se traducen en mais de 4.000 empregos directos e 8.500 indirectos en Galicia. O sector caracterízase por ser obxecto dun intenso tráfico internacional, e se atopa entre os seis principais exportadores o que fai que o sector conte cun adecuado posicionamento internacional altamente dependente do sector construtivo.

Non obstante, nos últimos anos, o sector da pedra viuse gravemente afectado pola caída da actividade de xeito que o mantemento dunha posición relevante no mercado nacional e estranxeiro require da consecución dun incremento na promoción do produto pedra natural e dun impulso estratéxico do sector para proxectar unha imaxe de liderado nacional e internacional, acorde á súa cota de mercado en España e no estranxeiro. Para a consecución desta finalidade é preciso a realización de actividades promocionais e de márketing que permitan executar accións destinadas á promoción dos produtos para os prescriptores, que melloren a percepción do sector galego como líder en pedra natural nacional e internacional, e que incrementen o prestixio do sector mineiro-industrial da pedra natural de Galicia.

A organización deste evento enmárcase na Estratexia de Internacionalización da Xunta de Galicia 2021-2025, impulsada polo IGAPE, cuxo obxectivo é mellorar a competitividade das empresas galegas mediante a expansión dos seus mercados internacionais e a integración de innovacións tecnolóxicas. Este contexto xustifica a realización dunha memoria económica detallada que permita avaliar a viabilidade financeira e o impacto económico das accións propostas no convenio.



Á vista da proxección internacional de StoneGal e da súa capacidade de xerar negocio, tanto para o sector da pedra natural de Galicia como para outros sectores relacionados coa súa cadea de valor, propónse a sinatura dun convenio entre o Instituto Galego de Promoción Económica (IGAPE) e a Asociación Clúster do Granito de Galicia.

Segundo.- Necesidade, oportunidade e obxectivos perseguidos polo convenio

O Plan Estratéxico de Galicia 2022-2030 recolle no Eixo 3:

PA 3.3 IMPULSAR O CRECEMENTO E COMPETITIVIDADE DAS PEMES, A TRANSICIÓN INDUSTRIAL E O EMPRENDEMENTO

OE 3.3.3 Atraer investimento produtivo e fomentar e facilitar a internacionalización das empresas galegas, en especial as pemes.

Dentro das liñas de actuación deste eixo atopamos:

- Consolidar a posta pola innovación e a internacionalización mediante a diversificación de produtos e mercados
- Promocionar a comercialización de produtos galegos de calidade.
- Promover a participación en feiras e misións ao exterior.

Dentro das necesidades detectadas neste eixo atopamos a de incrementar o volume de empresas de base exportadora así como potenciar a marca Galicia como territorio atractivo para a innovación e investimento económico.

Coa sinatura desde convenio contribúese a:

- **Consolidar a marca Galicia** como territorio de calidade no sector da pedra natural, aproveitando o impacto estratéxico de STONE.GAL e a súa capacidade de atraer clientes e prescriptores internacionais.
- **Promover a comercialización** e exportación de produtos galegos de alto valor engadido, impulsando a participación das empresas do sector en feiras e misións internacionais para expandir o seu mercado e captar novos clientes estratéxicos.
- **Apoiar a innovación e a colaboración empresarial**, facilitando o networking entre empresas do sector do granito e outros axentes económicos e favorecendo a interacción con prescritores, deseñadores e distribuidores de ámbito internacional.

O evento STONE.GAL representa unha oportunidade única para o sector galego da pedra debido á súa capacidade para xerar novos negocios e alianzas comerciais tanto en España como no estranxeiro. A presenza de compradores e prescritores internacionais, así como de influentes no sector da arquitectura e deseño, contribuirá de forma decisiva á proxección do granito galego como produto de referencia. Este convenio permite así dar continuidade á colaboración estratéxica co Clúster do



Granito, co obxectivo de consolidar a internacionalización do sector e maximizar o seu impacto económico en Galicia.

Terceiro.- Xustificación da utilización da figura do convenio

Motívase a utilización da figura do convenio, dada a especificidade do Clúster do Granito, que é unha asociación sen ánimo de lucro que integra neste momento a 130 empresas e entidades relacionadas co sector naval nos seguintes eslabóns da cadea de valor do sector:



- **Extracción**
 - o Perforación
 - o Voladura
- **Elaboración Bloques**
 - o Venda Bloques
 - o Transporte a pranta
- **Elaboración**
 - o Aserrado de Bloques
 - o Obtención de táboas
 - o Tratamentos superficiais
 - o Corte
 - o Distribución
- **Colocación**
 - o Asustado e colocación final
 - o Xestión residuos
 - o Inertes
 - o Reciclaxe
 - o Reutilización
- **Materiais**
- **Tecnoloxía e Equipamento**
 - o Ferramentas
 - o Diamantes
 - o Inxeniería do movemento
- o Convección
- Distribución
- Loxística, transporte e packaging
- Seguridade industrial
- Químicos para construción
- Construción civil con pedra natural
- Plaquetas e artigos de pedra
- Accesorios técnicos
- Decoración, tumbas e arte fúnebre en pedra
- Conservación e preservación de elementos históricos
- Deseño en pedra
- Servizos, Solucións IT
- Asociacións
- Publicacións especializadas emedios de comunicación
- Consultaría e enxeñeira en pedra
- Arte

O ámbito de negocio da pedra natural de Galicia estímase en 420 empresas, que facturan aproximadamente 606 M€, mentres que as empresas do Clúster del Granito representan unha facturación agregada estimada de 253 M€, que representan un 42 %.

É clara, pois, a representatividade sectorial única do Clúster do Granito.

Polo exposto, xustifícase a imposibilidade de promover a concorrência pública, que coincide con vantaxes e sinerxías así como a axeitada dinámica e axilidade para o IGAPE ao manter unha relación colaborativa fluída, eficiente e sinérxica cun só actor.

Cuarto.- Obxecto e contido



O obxecto deste convenio é organizar conxuntamente co Clúster del Granito, actividades no seo da feira StoneGal 2025 co fin de achegar as empresas galegas do sector do granito de Galicia a promocionar o produto pedra natural granito e o impulso para prestixiar e outorgar imaxe de marca ao sector do granito de Galicia nos mercados nacional e estranxeiros.

As actividades concretas, para desenvolver o contido que terá o evento STONE.GAL, que se desenvolverán ao abeiro do presente convenio durante o ano 2024 co fin de desenvolver actividades preparatorias da feira son as seguintes:

1. **STONEGAL SUMMIT. CONGRESO INTERNACIONAL:** congreso de dous días de duración (máis un de extensión potencial con visitas a canteiras ou obras relevantes) con a Pedra Natural como foco.

Un espazo para amosar o valor da Pedra Natural en proxectos de interior e exterior, hospitalidade e deseño de produtos. Un entorno creativo onde os arquitectos, deseñadores de interiores e profesionais involucrados na selección de materiais para a construción e o deseño de interiores poderán atopar inspiración e aplicacións que amosen o gran potencial da industria da pedra.

Difusión, formación e networking entre prescriptores do sector, na que se organizarán conferencias, debates e presentacións sobre a Pedra Natural, desde a análise do produto, o seu potencial maridaxe con outros materiais (madeira, aceiro...), e o futuro, principalmente innovación nas aplicacións, dixitalización empresarial e cambio estratéxico (de marketing).

2. **STONE.GAL – EXPOSICIÓN INTERNACIONAL. ESPAZO GALICIA STONE.**

O evento contará con dous espazos para o desenvolvemento das interaccións, entre empresarios e traballadores do sector, con expertos técnicos e prescriptores potenciais.

- **STAGE COLABORATIVO:** se deseñará e construírá un espazo colaborativo e sala de conferencias “Xunta de Galicia”, para a exposición de charlas orientadas á presentación de innovacións, actualizacións, melloras e novidades en torno ao sector, na que interactuarán os congresistas do Summit, os expositores e os visitantes. Tamén servirá como espazo de comunicación entre as asociacións ibéricas da pedra natural e os seus socios, co fin de mellorar á súa interacción e fortalecer a unión do sector de cara a competir con máis forza fronte a competencia de materiais non naturais

3. **AULA TÉCNICA:** máis especializada, aquí os expositores e outras empresas desenvolverán talleres e charlas sobre os comportamentos da pedra en condicións especiais, solucións a problemáticas de limpeza, melloras de seguridade para evitar enfermidades profesionais e silicoses... Estará aberta tamén a outros participantes empresariais l ou institucionais que precisen do espazo.

4. **STONE.GAL SHOWCASE - MISIÓNS INTERNACIONAIS DIRECTAS:**

Programa de promoción en mercados xeográficos internacionais para captación e desenvolvemento de contidos internacionais/especiais: expositores, visitantes, actividades e accións.

5. FAM TRIP: "STONE GAL EL AVANCE". MISIÓN INVERSA. OS EMBAIXADORES

Evento Misión inversa en Galicia – Porriño – Vigo, de 10 invitados internacionais, durante dous días, de influencers, medios especializados, representantes de colectivos, arquitectos... para amosarlles o Recinto feiral, coñecer as canteiras, interactuar con empresarios e potenciar o evento con contidos de calidade a súa volta.

As partes poderán, de xeito consensuado, organizar actividades a maiores ao abeiro deste convenio, sen que isto comporte maior asignación económica.

Quinto.- Financiamento

O orzamento estimado para a execución das actuacións previstas no convenio é de sesenta mil euros (60.000,000 €) que se distribúen do seguinte xeito:

ACTUACIÓNS PREVISTAS	ORZAMENTO TOTAL IVE 21% ENGADIDO
Stone Summit-Congreso Internacional	4.235,00 €
STONE.GAL – EXPOSICIÓN INTERNACIONAL	5.929,00 €
Promoción, difusión, comunicación e marketing STONE.GAL	10.285,00 €
Stone.Gal ShowCase – Misións Internacionais Directas	3.509,00 €
Fam-Trip StoneGal "El Avance" Misión inversa Embaixadores	36.042,00 €
	60.000,00 €

Deste orzamento, o Igape fará unha achega de cincuenta e cinco mil euros (55.000,00 €) con cargo á aplicación orzamentaria 09.A1.741A.640.0, código de proxecto 2021 00014, dos orzamentos xerais da Comunidade Autónoma Galega para o ano 2024.

O Clúster del Granito levará a cabo unha achega de cinco mil euros (5.000,00 €) que se corresponden a gastos operativos que se aplicarán nos apartados de:

- Funcionamento interno de persoal dedicado a StoneGal
- Gastos xerais operativos.
- Gastos directamente vencellados ás actividades obxecto do convenio

Sexto.- Evolución con respecto ao convenio anterior

Non existen precedentes de convenios de colaboración entre o Igape e o Clúster do Granito.



Sétimo.- Xustificación e pagamento

1. O prazo de presentación da solicitude de cobramento no Igape comezará o día seguinte á finalización das accións indicadas na cláusula primeira e rematará o 15 de novembro de 2024.
2. A xustificación presentarase vía electrónica na oficina virtual do Igape na páxina <https://www.igape.gal/gl/oficinavirtual>, en particular, a través do código de procedemento PE001, achegando as copias dixitalizadas da documentación que se relacionan a continuación o Clúster do Granito responsabilizarse da veracidade dos documentos que presenten.
3. A solicitude de cobramento virá acompañada da seguinte documentación:
 - a) Informe/memoria xustificativa asinado e selado polo seu representante legal do cumprimento das condicións impostas neste convenio, con indicación das accións levadas a cabo, dossier fotográfico e resultados obtidos.
 - b) Certificación dos gastos, segundo o modelo do Anexo I, facendo distinción entre: gastos de persoal, gastos de subministracións e servizos e outros.
 - c) Certificacións expedidas polas respectivas administracións públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Xerencia do Igape realice estas consultas polos seus propios medios, segundo o anexo I.
 - d) Declaración responsable asinada polo representante legal con poder suficiente, doutras axudas de carácter público ou privado para os mesmos gastos obxecto deste convenio ou, se é o caso, ausencia das mesmas, segundo o anexo I.
 - e) Declaración responsable da titularidade da conta bancaria onde se debe realizar o pagamento, segundo o anexo I.
 - f) No caso de estar exento do imposto sobre o valor engadido (IVE), documentación acreditativa da mencionada exención.
 - g) Ademais, e para xustificar a aportación do Clúster do Granito ao presente convenio, relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas que asume o Clúster.
 - h) Todos os gastos computables deberán ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.

Será obrigatorio presentar tres orzamentos para todos aqueles gastos externos superiores a 15.000 € + IVE e xustificar a selección do provedor en caso de non ser o máis económico.



En todo caso, o Igape, resérvase o dereito de solicitar toda a documentación que considere precisa en relación coa realización das actuacións obxecto deste convenio, e calquera outra que estime oportuna para a correcta xustificación do gasto e o seu pagamento.

Procederá a minoración das contribucións cando as actuacións desenvolvidas e xustificadas o abeiro deste convenio non acaden os importes dos gastos xustificables e sempre que esta minoración non supoña unha realización deficiente do proxecto.

O Clúster manterá a disposición do Igape ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación *in situ*, ben por medios propios ou mediante auditor externo.

A subdirectora de Internacionalización

Laura González-Dopeso Portela